

溫江縣志卷五

山川

大墓山 邑北二十五里相傳爲魚鳧王陵墓人咸呼大墓山

府江 邑西一里水遶縣城之南入成都府界亦名皂江

楊柳江 邑西一里餘勢奔騰湍激坍圮民田無算雍正間清丈田畝紳士鄒宣臣耆民李聰等具呈懇祈豁免空糧民得稍甦近年淤塞其患遂息

溫江縣志

卷五

山川

一

金馬江 邑西十里

玉石江 邑西十里

三渡江 邑西十里潯江南流爲龍安江入崇慶州邑兩界爲三渡水總名爲洋馬江至三江口與

西江合

新開江 邑東半里爲流江支派自江安堰下分小支爲馬壩江經郫溫兩縣界入清水江大支經

邑城東分二支一南入楊柳江一東入雙流縣界清水江 邑東三十里沱水至都江爲大堰曰湔

堰曰金堤亦曰都安堰今名鄉安堰而都江堰之名最顯分水爲三經灌邑城南而東北流者柏木河卽湔江也東流者走馬江卽郫江也郫江分爲油子江油子江又分爲清水江以油子清水二江爲府江正派其支流南出經上下兩漏灌分爲二一入新開江一入五陡江而五陡江又歸清水江自郫縣界合五陡江經溫江界合馬壩江過蘇坡橋入成都縣界

馬壩江 邑北十五里

附

湔水源 出白沙江茂州雪山卽玉壘山東南流爲大皂江內江分東北流爲湔江 宋志以北流之沱爲湔東北流之湔爲沱而古沱江之名遂混